

盛京禮部則例



盛京禮部則例

一

陵寢承祭

國初定清明中元冬至歲暮大祭

三陵一應禮儀由部掌行候

旨遣宗室內大臣承祭○又定遇

福陵

昭陵忌辰各總管官承祭是日部傳諭官員兵民咸素

服○又定十月朔致祭

三陵



萬壽聖節致祭

福陵

昭陵各總管官承祭。每月朔望各掌關防官承祭。○又定

壽康太妃

懿靖太貴妃園寢於清明中元冬至歲暮各掌關防官致祭。○康熙十八年定

三陵四大祭於

盛京將軍副都統四部侍郎內遣官各一人承祭太常寺前期開列請

旨移咨部遵行。○乾隆元年

諭盛京祭祀

陵寢應於鎮國輔國將軍內簡選前往著總理王大臣會同宗人府詳議具奏欽此遵

旨議準

盛京

三陵四大祭及忌辰於宗室將軍內情願前往居住者遴選引

見恭候

欽點六人往居

旨。盛京各給田廬以承祭祀。○二年奉

旨。

福陵

昭陵忌辰改為大祭。由部開

盛京居住宗室官職名。移太常寺轉奏恭候

欽點承祭。○三年定。

福陵

昭陵。每月朔望以宗室官承祭。

萬壽聖節致祭同。○八年定。

陵寢祭祀應齊集之大臣。若有疾病事故不能與祭者。

務先期行知本部。若無故不到。即取職名題叅

一供應

陵寢祭祀部設田二莊。壯丁九十名。歲輸黃米四十一

石六斗。小米一石。大麥一石二升。小麥七石六

斗五升。高粱八石。黃豆二石六斗一升。菜豆二

十二石四斗。小豆一石四斗七升。芝麻三石二

斗四升。蘇子四十五石五斗。果園十莊。壯丁百

六十八名。歲輸松子十三石六斗五升。榛子八

石五斗。葡萄四石八斗。枸杞子五石二斗。楹棹

八石五斗。楨格五石二斗。梨乾一千六十串。

福陵果園二莊。

昭陵果園一莊。歲輸李杏櫻桃梨楡棗。

三陵瓜菜園二莊。歲輸四大祭及忌辰瓜菜採蜜壯丁二百七十名。歲輸蜂蜜捕雉壯丁。歲輸四大祭及忌辰生雉。魚箔二十四處捕魚壯丁。歲輸魚每祭。行取兩翼牧場乳牛各十有五。祭前十日送至。

陵所取乳牧場官歲輸乳酥千八百二十六斤。犧牲牛羊。移取戶部庫帑買備。每乳牛日給豆三升五合四勺。穀草一束。羊草二束。遇青草時停給穀。

草。祭日送。

陵加豆一升七合七勺。牛犢日給羊草二束。小米五升九勺。青草四束。

盛京戶部供應

福陵

昭陵四大祭。每祭。玉堂米。糯米各八升。黃米一斗二升。小米一斗六升。稗米二升。白鹽二十三斤。黑鹽二十一斤。蘑菰八斤。蕨菜十斤。木耳二斤八兩。雞卵千一百五十六枚。鵝卵四十枚。鴨卵六十枚。

永陵倍之。又每歲由部移文戶部。取朝鮮貢紙六百三十一張。成文紙五百七十六張。備用。○太常寺每歲供應。

奉先制帛五十六端。蠟燭重六兩者百七十四對。三兩者二百九十八對。八寶糖大纏各三百八十四斤。冰糖三百九十六斤。乾棗乾葡萄各三百三十斤。門冬四百十斤。青梅二百八十七斤。龍眼荔枝各二百三十二斤。橘餅六千三百三十六枚。柿餅七千九百二十枚。核桃六萬一千七百七十六枚。白糖七百六十八斤。麵六十斤。茶

六十五斤。

永陵冬至

福陵

昭陵冬至歲暮大祭。蘋果梨柿各四百二十枚。

三陵四大祭。每祭各用香三兩。每忌辰各用香五錢。

永陵一年常祭用香三斤。

福陵

昭陵一年常祭各用香二十四兩。差官輸送至部貯庫。

逢祭部委官送至各

陵。夫役牲畜之廩給芻豆。運送車馬筐筥之屬。移

盛京戶兵工三部支取護送兵丁移將軍撥遣
一供應

奉先殿及

畿輔

陵寢祭祀所用花鰕魚細鱗魚椴棹葡萄松子榛子由
部壯丁採取差官運送所司其官役廩糧及裝
載車馬筐筥移

盛京戶兵工各部支取○乾隆八年奉

旨

三陵祭燭皆用白蠟○十七年定採蜜壯丁由部委官

一人率領採取○又定清明中元

三陵大祭及忌辰所供生雉令壯丁及

盛京將軍兵丁一同捕取冬至歲暮

三陵大祭令壯丁自行捕取○十八年定

盛京

三陵所用果品如乾棗乾葡萄荔枝龍眼核桃冰糖橘
餅門冬青梅白糖等皆

盛京可以和買之物不必遠行運送即交

盛京禮部自行買備惟蘋果柿梨茶蘄及大纏八
寶糖等繫

盛京所無之物。應照舊自京送往。其買備應用價
直。就近在

盛京戶部支領。至用過果品斤數。按時價詳造清
冊。咨送戶部察覈奏銷。再

三陵供奉果品。向例太常寺。每年春季委官。運送大纏
八寶糖。乾棗。乾葡萄等項。以備秋冬之用。秋季
委官。運送蘋果。柿梨。茶。釀等項。以備次年春夏
之用。應於本年秋季為始。將乾棗等十四種。令
盛京禮部自行買備。至春季應用大纏八寶糖。為
數無多。嗣後歸并秋季運送蘋果。柿梨之時。一

并送交

盛京禮部收貯。以備祭祀

一祠廟祭祀

長白山神。每歲春秋二仲。以船廠將軍或副都統協
領一人致祭。部遣讀祝官贊禮。郎前往執事。太
常寺歲送。白色禮

神制帛二端。降香六柱。黃蠟十有五斤。菱二斤。四兩
芡實二斤。每祭部供牛一。羊一。棗四斤。栗三斤。
榛三斤。八兩。所用器皿。移工部支取。運送車馬
并護送兵丁。移

盛京將軍及兵部撥遣

盛京城隍廟每歲

萬壽聖節及孟秋以侍郎或郎中員外郎一人致祭

讀祝官贊禮郎執事太常寺歲送白色禮

神制帛二端降香六柱黃蠟十有五斤菱二斤四

兩芡實二斤每祭部供牛羊豕各一棗四斤栗

五斤核桃四斤荔枝龍眼各二斤

賢王祠雍正九年

特建怡賢親王祠○乾隆十九年

諭朕由吉林至盛京周覽山川形勝敬稽

實錄所載仰見

列祖締造艱難維時宗室諸王克奮忠勤功成百戰開

國翊運之勲彪炳簡冊深切景念思盛京為龍興

重地國初諸王功烈懋著如此並宜建祠以酬舊

勲而示來許此地見有怡賢親王祠應將

太廟配享之通達郡王武功郡王慧哲郡王宣獻郡王

及禮烈親王饒餘親王鄭簡親王穎毅親王一同

崇祀即命曰賢王祠令所司春秋致祭應行典禮

該部詳議以聞祠內碑亭可移於正中鐫勒此旨

永昭我朝宗功元祀之鉅典欽此遵

旨議準。怡賢親王祠。正室五間。請於室內。分設三龕。中龕中奉通達郡王。左武功郡王。右慧哲郡王。左龕中奉宣獻郡王。左禮烈親王。右饒餘親王。右龕中奉鄭簡親王。左穎毅親王。右怡賢親王。每龕一案。每案羊一。豕一。果實五盤。尊一。鑪一。鐙二。每位爵三。素帛一。每歲春秋二季。令奉天府尹承祭。儀注照。

京師祭賢良祠之禮。由禮部頒給。讀祝。贊禮。用盛京禮部人員。香帛由太常寺支取。祭品由奉天府供備。龕案尊爵之類。文。

盛京工部供備。

勅建各寺廟。永寧寺。寶勝寺。嘛哈噶哈廟。四塔寺。景佑宮。地藏寺等處祭祀所用米。豆。麵。白鹽。黑鹽。芝麻。蔬菜。鵝。雞。果品。紙張等物。均由部移。

盛京戶部給發。

興京顯佑宮。歲用香三十二束。地藏寺用香九十束。六束。

盛京教場。

關帝廟。用香六十束。寶勝寺。香燭銀七十九兩。一錢七分五釐。誦經銀三百十兩。茶二百斤。嘛哈。

噶喇廟香燭銀四十九兩四錢八分五釐。誦經銀百二十兩。茶六十斤。四塔寺共香燭銀百九十七兩九錢四分。茶六百斤。移

盛京戶部分給元旦

關帝廟供祭黃蠟等類移

盛京工部分給

一賞給僧道

興京顯佑宮道士八名。歲給衣服。地藏寺僧綱一名。僧三十二名。歲給衣服。每月米一斗。鹽一斤。盛京景佑宮道士十有六名。歲給衣服。每名歲給

鹽二十斤。永寧寺喇嘛及格隆三名。班第七名。寶勝寺大喇嘛一人。格隆九名。班第三十五名。嘛哈噶喇廟大喇嘛二人。班第六名。東塔永光寺。南塔廣慈寺。西塔慈壽寺。各大喇嘛一人。格隆三名。班第十有六名。北塔法輪寺。大喇嘛一人。格隆二名。班第十有七名。永寧寺喇嘛班第。歲給衣服。寶勝寺喇嘛哈噶喇廟四塔寺喇嘛。三歲給衣服。格隆班第。二歲給衣服。喇嘛歲給貂皮帽。格隆歲給狐皮帽。遼陽大安龍泉二寺。共僧十有五名。二歲給衣服。每寺歲給米五石。蓮

花寺僧十名。三歲給衣服。每名歲給鹽十斤。永寧寺喇嘛。移內務府取給。餘移

盛京戶部。動帑市買支給。

一賞給貢使。朝鮮國貢使往來過

盛京。給與廩餼及馬匹芻豆。○黑徵費雅喀虎爾

哈庫爾喀等部落進貢貂皮江獺皮。每人日給

米酒鹽豆。馬每匹日給豆草。回日給行糧。如有

格格額駙來朝經過。給杭米及柴炭林楷蓬席。

移

盛京戶工二部支取。虎爾哈等所貢貂皮。庫爾喀

等所貢江獺皮。移送

盛京戶部。其額外江獺皮折賞。一等每張給青布

二疋。由戶部委官送至

京師。護送兵丁。運送車馬。移

盛京將軍撥給。裝皮器具。移

盛京工部支給。○賞給進貢貂皮江獺皮人役袍

帽靴帶。所需蟒段。彭段。粧段。帽段。絲紬。棉紬。毛

青布。朝鮮貢布。木棉。絨線。線纓。鍍銀。牛皮。綠斜

皮等物。由

盛京工部。移

盛京戶部支取。分給八旗官軍製造。由部分給。運送車馬。移

盛京將軍撥給。

一補授讀祝官贊禮郎。雍正元年定。嗣後

盛京禮部讀祝官員闕。於八旗通行簡選。贊禮郎員闕。於本翼四旗簡選。將本處筆帖式。廕監生。庫使。官學生。一同令其讀贊。擬定正陪。移咨太

常寺引

見補用。如此內又不得人。讀祝官行取在京八旗。贊禮郎行取在京本翼。選擬正陪。引

見補用。



